

TABVLA RECITATIONVM

IN
ACADEMIA LVDOVICIANA

PER SEMESTRE HIBERNVM

A DIE XII OCTOBR.

CIOIOCCCLXXXV.

IN CHOANDARVM.

RECTOR


ACADEMIAE LVDOVICIANAE

D. HELVICVS BERNHARDVS
I A V P

C V M S E N A T V.

Quarum exemplum triumphi denegari, quod nos quidem apud historiarum Romanarum autores inuenimus, a Liiio III, 6; exhibetur. Anno nempe V. C. CCCIII, quo primura post abrogatam decemviralem potestatem consulatus restitutus fuerat, L. Valerio, M. Horatio Coss. bellum contra Sabinos, Aequos, & Volscos simul decretum, atque ita distributum est, vt Horatius contra Sabinos, Valerius contra Aequos & Volscos. mitteretur. Consules ambo hostem diuersis locis ita fuderunt, atque fugarunt, vt castris cum exuerent, nec Romanorum solum; sed etiam sociorum res populationibus amissas reciperent. Cuius geminae victoriae quum nuntius Romam afferretur, patres iam ratione minimi honoris, qui ducibus victoribus more maiorum debebatur, inuidiam atque odium erga consules exercuerunt. Quum enim de supplicatione diis propter victorias istas habenda ageretur, in vnum diem tantummodo supplicationem maligne indixerunt, iidemque patres, qui propter simplicem victoriam facillime in triduum supplicationem decreuerant, nunc gaudium publicum ob duplex proelium gloriosissime commissum vno die limitarunt. At populus consulibus fauens iniustus etiam altero die frequens supplicatum iuit. Simultas senatus cum consulibus ideo intercessit, quia, teste Liiio III, 54, crudis adhuc inter patres & plebem dissidiis, magistratum populariter gesserant, variasque leges in fauorem plebis tulerant; quicquid vero ab illis pro libertate plebis cautum fuerat, id suis decedere opibus senatus rebatur. Consules, quum ad urbem venissent, senatum in campum Martium euocarunt, vt coram eo de rebus a se gestis referrent. Querentibus autem patribus, senatum inter milites, qui in campo aderant, dedita opera terroris causa haberi, consules, ne vllus criminationi locus esset, in praeta Flaminia senatum auocauerunt. Ibi ingenti patrum consensu triumphus illis denegatus est. Argumenta, quae patres decreto suo praetenderint, a Liiio nulla exhibentur, inter ea solum, quae ab aduersariis legis deinde a tribuno latae (C. Claudio, potissimum, decemviri patruo) proferebantur, hoc commemorat, gratiam pro meritis consulum in tribunum, non pro virtute honorem peti. Atque virtus consulum, meritaque eorum militaria in dubium vocari plane non poterant, quum victoriae ab ipsis partae manifestae essent. Dionysius Halic. XI, 49 eiusdem rei mentionem faciens non dubitatum esse a senatu de fortuna consulum

bellica, sed varia ab eo iis exprobrata fuisse narrat, v. c. leges ab illis latis, quibus senatus potentiam imminuerant, (praecipue legem *Valeriam Horatiam*, qua statutum, vt, quod tributum plebs iussisset, populum teneret) decemuiros aut caesos, aut bonis multatos &c. Quare decretum a senatu esse dicit, consules contentos esse debere, *si poenas nullas darent*, triumpho autem, aut aliis huiusmodi concessionibus minime dignos esse iudicandos. Miscuit igitur senatus partium studio obrectandique cupiditate adactus res neustigam miscendas. Etsi enim vel maxime consules varia antea egerint non probanda (de quibus tamen rationem reddere ante finitum consulatum cogi non poterant) praemium tamen rerum in bello gestarum illis omnino debebatur. Triumphum ereptum consules iniquis animis ferentes, & se graui contumelia a senatu affectos esse putantes populum ad concionem conuocarunt, quumque ibi prolaxis orationibus senatum accusassent, & tribuni potissimum *L. Icilius*) illis patrociniatam rogationem de triumpho consulam ad populum tulissent, omnes tribus eam rogationem acceperunt, consulesque potestatem triumphandi a populo impetrarunt. Tum primum, *Linio* annotante, sine auctoritate senatus, quid, quod contra eam *folius* populi iussu triumphatum est. Merce enim apud Romanos recepto *senatus populique* consensus ad triumphum obtinendum semper requisitus fuerat, ita, vt, sicuti in omnibus rebus, de quibus in comitiis centuriatis (in quibus patricii plurimum valebant) senatus auctoritas praecederet, (partes in incertum euentum comitiarum centuriarum auctores fieri lege *Publilia* A. V. CCCXV & lege *Maenia* A. V. CCCCLXVII latis demum coacti sunt) populusque decretum senatus referente magistratu patricio sanciret. Nunquam antea de triumpho per *solum* populum statutum, semper aestimatio, arbitriumque eius honoris praenium penes senatum fuerat. Cui quidem consuetudini non repugnat exemplum *Seruilii*, qui A. V. CCLVIII inuito senatu triumphauit, in praefatione lectionum hibernarum 1794 allatam. Tunc enim non tribunus plebis, sed ipse *Seruilus* rem ad populum tulit, neque suffragia plebem ferre adegit, sed conuente tantum eo triumphum viurpauit. Saepius deinde per plebem *solum* triumphum impetratum fuisse, annales Romani testantur. Sic v. c. *Marius Rutilus*, primus de plebe dictator dictus, A. V. CCCLXXXVIII, teste *Linio* VII, 17, sine auctoritate patrum populi iussu triumphauit. (Senatu solo consentiente triumphus agi nunquam potuit, quum, populo dissentiente, tribunus intercedere soleret; sic *Linus* XXXII, 7. *L. Manlius* prohibitum a tribuno plebis, ne ouans rediret, quum ab senatu impetrasset, priuatum urbem ingressum esse narrat.) Ac haec quidem proluxisse abunde fit. Tam Vobis, *Commilitones aestimariissimi*, non solum feriis exactis auditoria praeceptorum Vestrorum denuo aperienda indicimus, sed etiam praefectiones singulas, quas iam enumerabimus, studiis Vestris maximopere commendamus.



LECTIONES THEOLOGICAE.

D. IOH. GEORG BECHTOLD Prof. theol. primarius per instans semestre hibernum hora VIII. matutina DOEDERLEINIANAS *theologiae* theoreticae s. *dogmaticae institutiones* senis per hebdomada diebus praeeget; hora II. pomeridiana *epistolam Pauli ad ROMANOS* binis per hebdomada diebus interpretabitur, sc. die *Martis* & *Veneris*; hora eadem die *Lunae*, *Mercurii*, & *Iouis* DEYLINGIANAS *prudentialis pastoralis institutiones* perpetuis suis dissertationibus illustrabit, ea largiter interspersurus, quae futuro ecclesiae ministro e *iure ecclesiastico* potissimum scitu necessariae sunt.

IO. CHRISTOPH. FRID. SCHVLZ hor. VIII-IX. Apocalypsin Iohannis & epistolam Pauli ad Corinthios interpretabitur. Hor. IX-X. *ethicam christianam* ex proprio compendio docebit. Praefectiones *catecheticas* publice habendas offert.

CAROL. CHRISTIAN. PALMER Th. P. O. quinq. dieb. h. XI. historiam ecclesiae & religionis christianae, quat. dieb. h. III. theologiam dogmaticam, h. IV. introductionem in libros V. & N. T. binis dieb. h. IX. encyclopaediam theologicam, h. X. praecepta homiletica adiunctis exercitationibus tradet.

LECTIONES IURIDICAE.

D. IO. CHRISTOPH. KOCH Pandectas ex HELLFELDIO, ius Canonicum e BOEHMERO, ius Criminale e compendio suo horis consuetis tradet. Disputatorium quoque & Examinatorium offert.

D. IO. DAN. HENRICVS MVSAEVS Hor. VIII-IX. *Ius publicum I. R. G.* docebit, PÜTTERI Institutionibus vsurus. Hor. II-III. *Ius Germanicum priuatum* SELCHOVIO praeunte tradet. Hor. III-IV. diebus Lunae, Mercurii & Veneris, habebit *Collegium elaboratorio-practicum*, alternis vero diebus *praelectiones encyclopaedicas* offert. Hora commoda, ad praelectiones in *processum summorum imperii tribunalium*, nec non expositionem *iuris mercatorum & cambialis*, ad ductum librorum suorum paratus erit.

D. HELVICVS BERNHARDVS IAVP hora II-III. *ius feudale* duce BOEHMERO, hora III-IV. *historiam imperii R. G.* praeunte PÜTTERO, tradet; paratus etiam ad praelectiones in *processum summorum imp. tribunalium*.

D. IO. GODOFR. SIGISM. ALBR. BVCHNER. Hora VIII-IX. praelectiones ad HEINECCI *elementa iuris civilis secundum ordinem institutionum* habebit. Hora X-XI. *historiam iuris* duce SELCHOVIO docebit. Hora XI-XII. *ius naturae & gentium* ex HOEPLNERI compendio tradet.

LECTIONES MEDICAE.

D. IO. LVD. FRID. DIETZ. H. IX-X. Physiologiam praeunte Metzgero, H. X-XI. Anatomiam theoreticam, duce Plenckio explicabit.

D. CAROLVS GVILELM. CHRISTIAN. MÜLLER h. XI-XII. *Materiae medicam* docebit, & quidem eam partem, quae de medicamentis ex regno animali & minerali defumtis agit: h. I-II. *Physicam dogmatico-experimentalem* duce ill. Becmanno, tradet. *Chemicam experimentalem s. Pharmaciā* horis auditoribus commodis offert.

D. ERNESTVS SCHWABE; docebit artem obstetriciam theoreticam; monstrabit artem & modum secandi cadauera; explicabit Viteri *Grundlage medicinisch-anthropologischer Vorlesungen*; offert & in specie praelectiones, aut in medicinam forensē, aut in diaeticam.

D. IO. FRIDER. SIGISM. POSEWITZ, Prof. Med. Ord. designatus, praelectiones suas sub aduentu suo indicabit.

LECTIONES PHILOSOPHICAE.

CHRISTIANVS HENRICVS SCHMID, Prof. Primar. Hora II-III *Antiquitates Romanas* duce Rullmanno enarrabit, Hora III-IV *Taciti Annalium* libros nonnullos inde a libro tertio illustrabit, Hora IV-V *Encyclopaediam scientiarum omnium* e libro suo: *Abriss der Gelehrsamkeit* tradet; Hora V-VI *Historiam litterariam poeseos* secundum librum suum: *Anweisung zur Kenntniß der vornehmsten Buscher in allen Theilen der Dichtkunst* docebit, ad alia quoque paratissimus. — Bibliothecam publicam diebus Mercurii & Saturni Hora II-III aperiet.

HENR. MART. GODOFR. KOESTER Hist. P. P. O. hor. X. *Historiam uniuersalem*, hor. XI. *Historiam recentiorum Statuum Europae* ad compendia sua, hor. II. *Historiam ecclesiasticam* ad comp. Schroekhianum docebit.

GVILIELMVS FRIDERICVS HEZEL, LL. O. O. P. P. O. Hor. X tradet *fundamenta linguae Hebraeae*, sequenturus praecepta sua: (Kuerzere Hebr. Grammatick) Hor. XI. interpretabitur *Genesis Mosaicam*. Hor. VI vesp. docebit *initia linguarum Arabicae, Chaldaicae & Syriacae*, ducibus suis libris. Offert & institutiones linguae *Graecae*.

D. AVG. FRIED. GVIL. CROME. Oeconomiae & scientiar. Camerac. P. P. O. Hora XI-XII. *Oeconomiam ruralem*, ad *Becmanni* Compendium: Hora II-III. *Politicam*, ut vocant, seu scientiam ciuitatis institueadae & administrandae: Hora III-IV. *Statisticam*, quam dicunt, omnium Europae regnorum, *Sprengelii* compendium sequenturus: & Hora IV-V. *Geographiam* totius orbis terrarum, & physicalem & politicam, ad *Fabri* libellum docebit.

IO. FRIDER. ROOS, Ph. D. & P. P. O. *Historiam* regnorum & rerumpublicarum *Europae* inde a quinto p. C. N. seculo ad nostra usque tempora, breuiario *Gallettiano* in eam rem usus, h. I-II. aut alia commodiori persequetur. *Uniuersalem* quam vulgo appellant *historiam Beckio* duce, enarrabit h. IV-V.; ad aperiendas linguae *Graecae*, *Romanae* aut *Anglicanae* scholas itidem paratus.

GEORG. FRID. WERNER, P. P. O. sperans, fore ut omnino conualecat, & Geometriam practicam & icones geometricas conficiendi artem & rei censualis praecpta tradet, horis loco consueto indicandis.

FRID. LVD. WALTHER, P. P. O. per semestre hibernum praelectiones offert in *Oeconomiam ruralem* hor. IX-X. in *Oeconomiam forestalem* Hor. X-XI. Nec *Oeconomiae mercatoriae* studiosis operam denegabit.

GEORG. GOTTL. SCHMIDT, P. P. O. Physicam experimentalem hor. II-III (nach Erleben); Mathesin puram hor. IV-V ex *Klügelio* docebit. Astronomiam, Geographiam mathem. & Chronologiam hor. V-VI publice tradet.

I. C. G. SCHAVMANN Psychologiam empiricam, Ius naturae hor. X, Philosophiam moralem hor. XI ad compendia sua tradet priuatim. Publice in *Sophoclis Philocteten* commentabitur atque scholas disputatorias horis adhuc indicandis aperiet.

LECTIONES EXTRAORDINARIAE.

FRIDER. GVIL. DAN. SNELL, Philos. Prof. P. E. O. Hor. XI-XII *Analytin finitorum*, hor. III-IV *principia philosophiae criticae*, hor. V-VI *logicam & metaphysicam* proponet. Ad alias praelectiones philosophicas & mathematicas paratus est.

IO. GEORG. FRIDER. LEVN, Ph. D. & P. P. E. O. Hor. III. *Historiam criticam* librorum V. T. *Baueri* compendium (Entwurf einer Einleitung in die Schriften des alten Test.) secutus narrabit. Hor. IV. Acta apostolorum e fonte graeco interpretabitur. Paratissimus erit ad scholas arabicas, syriacas, latinas priuatissime aperiendas.

IO. ERNEST. CHRISTIAN. SCHMIDT, paratus est ad *Historiam ecclesiasticam Christianam*, nec non ad *Historiam veteris, nouique Testamenti criticam* enarrandam. Offert quoque *librorum theologorum utilissimorum Notitiam* publicis praeclectionibus exhibendam.

Praeter ista Generosissimis Nobilissimisque Ciuibus de luculenta equitandi, pugnandi gladio, *salsandique* palaestra, *Anglicae, Gallicae & Italicae* linguae scholis, per magistros eorum peritissimos, publice constitutos, abunde prospectum est.
